

Bosna i Hercegovina
FEDERALNO TUŽITELJSTVO
FEDERACIJE BOSNE I HERCEGOVINE
SARAJEVO

Broj: A-184/03

Sarajevo, 10.04.2003. godine

IB/KŠ

Na temelju čl. 9 i 20 st. 2 Zakona o Federalnom tužiteljstvu FBiH ("Sl. novine FBiH", broj 42/02), donosim

POJEDINAČNO OBVEZNO
UPUTSTVO

I.

Zamjenici Glavnog federalnog tužitelja i federalni tužitelji se obvezuju da prilikom rada, u postupanju sa KTŽ predmetima, iz drugostupanjske nadležnosti, prioritet u postupanju daju pritvorskim predmetima. Ujedno u istim, KTŽ predmetima, u kojima postoji žalba Kantonalnog tužitelja, u pravilu, treba podržati žalbu kantonalnog tužitelja, osim u onim predmetima, u kojima se konstatuje povreda kaznenog zakona ili bitna povreda odredaba kaznenog postupka, zbog čega žalbu ne treba podržati, a koje predmete u takvim slučajevima treba prethodno raspraviti i analizirati na Stručnom kolegiju, kako bi se imao jedinstven stav i ujednačena praksa u postupanju.

II.

Rukovoditelj pisarne u Federalnom tužiteljstvu se obvezuje da prilikom zaduživanja predmeta i davanja u rad pojedinim referentima, naročito u KTŽ predmetima, prati da li je predmet već dolazio, po bilo kom osnovu, u Federalno tužiteljstvo, pa ukoliko utvrdi da jeste, da se daje u rad uvijek istom referentu. Takođe se zamjenici Glavnog federalnog tužitelja i federalni tužitelji obvezuju da prate predmete i da u takvim slučajevima iniciraju da se oni zadužuju sa predmetima koje su već jednom imali u radu, po bilo kom osnovu.

III.

Ovo uputstvo stupa na snagu danom donošenja.

GLAVNI FEDERALNI TUŽITELJ

Zdravko Knežević

DOSTAVLJENO:

- **Glavnom federalnom tužitelju i**
Zamjenicima Glavnog federalnog tužitelja;
- **Federalnim tužiteljima;**
- **U spis.**